

ივ. ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის საბჭოს

2022 წლის 18 იანვრის სხდომის

ოქმი # 1

სხდომა ჩატარდა „ZOOM“ პლატფორმის მეშვეობით.

სხდომას ესწრებოდა: სიითი შემადგენლობის 34 წევრიდან - 24.

დღის წესრიგი:

1. ფაკულტეტის აკადემიური პერსონალის მიერ, თსუ-ის აკადემიური საბჭოს #112/2013 და 122/2014 დადგენილებებით განსაზღვრული სახელფასო სარგოს 50 პროცენტის სამეცნიერო - კვლევითი აქტივობების მიხედვით შესრულების შესახებ
მომხს: თ. დოღბაია
2. ცვლილებები სამაგისტრო ნაშრომის დაცვის წესში
მომხს: თ. დოღბაია
3. ცვლილებები „სახელმწიფო სტიპენდია სტუდენტებს“ საფაკულტეტო დაფინანსების წესში
მომხს: თ. დოღბაია
4. ფაკულტეტის კურიკულუმში დასწრება - აქტივობის ქულების შესახებ
მომხს: თ. დოღბაია
5. ცვლილებები სამაგისტრო პროგრამაში „მედიათსიქოლოგია და კომუნიკაციები“
მომხს: რ. ჯორბენაძე
6. ცვლილებები საბაკალავრო პროგრამაში „ჟურნალისტიკა და მასობრივი კომუნიკაცია (რუსული კომპონენტებით)
მომხს: რ. ჯორბენაძე

მოისმინეს: 1. ფაკულტეტის აკადემიური პერსონალის მიერ, თსუ-ის აკადემიური საბჭოს #112/2013 და 122/2014 დადგენილებებით განსაზღვრული სახელფასო სარგოს 50 პროცენტის სამეცნიერო - კვლევითი აქტივობების მიხედვით შესრულების ზოგადი სტატისტიკა დამსწრეთ გააცნო ფაკულტეტის დეკანმა თ. დოღბაიამ. მან აღნიშნა, რომ 65 აკადემიური პერსონალიდან დატვირთვა შეასრულა 40 - მა პროფესორმა. დატვირთვა ვერ შეასრულა 25 -მა, მათ შორის 3 პროფესორი არაა თსუ-სთან აფილირებული, ხოლო 4 -მა ხელშეკრულება თსუ-სთან გააფორმა 2021 წლის სექტემბერ - ოქტომბერში.

ფაკულტეტის საბჭოს მიერ 2021 წლის 17 დეკემბრის სხდომაზე (ოქმი # 9) დამტკიცებულმა, აკადემიური პერსონალის 2021 წლის სახელფასო სავალდებულო სამეცნიერო - კვლევითი დატვირთვის შემსწავლელმა კომისიამ მიიღო გადაწყვეტილება, ვინაიდან სახელფასო სარგოს შესრულების ეს მოდელი ახალია, მხოლოდ ამ პირველ, საპილოტე წელს, პანდემიის პირობებში, ხელფასი არ დაეწვით პროფესორებს, მით უფრო, რომ მათი ნაწილი სხვადასხვა საფეხურის საგანმანათლებლო პროგრამებს ხელმძღვანელობენ და აქტიურად არიან ჩართულნი საფაკულტეტო ცხოვრებაში.

აზრი გამოთქვეს: ფ. ასანიშვილმა, ი. კაჭკაჭიშვილმა, გ. გოგსაძემ, თ. მატარაძემ, ზ. დავითაშვილმა, ნ. ბელქანიამ და სხვ.

დაადგინეს: მიღებულ იქნას ცნობად კომისიის გადაწყვეტილება.

მოისმინეს: 2. ცვლილებები სამაგისტრო ნაშრომის დაცვის წესში დამსწრეთ გააცნო ფაკულტეტის საბჭოს თავმჯდომარემ, თ. დოლბაიამ

აზრი გამოთქვეს: რ. ჯორბენაძემ, ნ. პავლიაშვილმა, ზ. დავითაშვილმა, გ. გოგსაძემ, მ. წერეთელმა, თ. მატარაძემ და სხვ.

დაადგინეს: დამტკიცდეს ცვლილებები სამაგისტრო ნაშრომის დაცვის წესში (ოქმს თან ერთვის)

მოისმინეს: 3. ცვლილებები „სახელმწიფო სტიპენდია სტუდენტებს“ საფაკულტეტო დაფინანსების წესში, დამსწრეთ წარუდგინა თ. დოლბაიამ

აზრი გამოთქვეს: ს. ღუნდუამ, რ. ჯორბენაძემ, თ. მატარაძემ და სხვ.

დაადგინეს: დამტკიცდეს ცვლილებები „სახელმწიფო სტიპენდია სტუდენტებს“ საფაკულტეტო დაფინანსების წესში, წარმოდგენილი სახით (ოქმს თან ერთვის)

მოისმინეს: 4. ფაკულტეტის კურიკულუმში დასწრება - აქტივობის ქულების შესახებ ისაუბრა ფაკულტეტის დეკანმა თ. დოლბაიამ და დამსწრეთ შეახსენა რეაქრედიტაციის ექსპერტების რეკომენდაცია - შენიშვნები დასწრების ქულებთან დაკავშირებით

აზრი გამოთქვეს: ი. კაჭკაჭიშვილმა, ნ. ბელქანიამ, ზ. დავითაშვილმა, ს. ღუნდუამ, მ. მაცაბერიძემ, გ. გოგსაძემ და სხვ.

დაადგინეს: განხორციელდეს ცვლილება ფაკულტეტის კურიკულუმში და ყველა პროგრამის ყველა სილაბუსში, დასწრების 5 ქულა დაემატოს აქტივობის ქულებს.

მოისმინეს: 5. ცვლილებები სამაგისტრო პროგრამაში „მედიაფსიქოლოგია და კომუნიკაციები“ დამსწრეთ გააცნო ფაკულტეტის ხარისხის უზრუნველყოფის სამსახურის უფროსმა რ. ჯორბენაძემ

აზრი გამოთქვეს: თ. დოლბაიამ, ხ. მასიაშვილმა და სხვ.

დაადგინეს: დამტკიცდეს ცვლილებები სამაგისტრო პროგრამაში „მედიატესტილოგია და კომუნიკაციები“ წარმოდგენილი სახით (ოქმს თან ერთვის)

მოისმინეს: 6. ცვლილებები საბაკალავრო პროგრამაში „ჟურნალისტიკა და მასობრივი კომუნიკაცია (რუსული კომპონენტებით) დამსწრეთ წარუდგინა ფაკულტეტის ხარისხის უზრუნველყოფის სამსახურის უფროსმა რ. ჯორბენაძემ

აზრი გამოთქვეს: თ. დოღბაია, მ. წერეთელმა, ნ. ტალახაძემ, ხ. მაისაშვილმა და სხვ.

დაადგინეს: დამტკიცდეს ცვლილებები საბაკალავრო პროგრამაში „ჟურნალისტიკა და მასობრივი კომუნიკაცია (რუსული კომპონენტებით) წარმოდგენილი სახით (ოქმს თან ერთვის)



ფაკულტეტის საბჭოს თავმჯდომარე: თ. დოღბაია, ასოცირებული პროფესორი

ფაკულტეტის საბჭოს მდივანი:

ე. ჭაბუკაძე

მ. შამილიშვილი, პროფესორი

სხდომაზე დამსწრე საბჭოს წევრები

თამარ დოღობაია
იაგო კაჭკაჭიშვილი
მარი წერეთელი
ნინო ჭალაგანიძე
ნანა ტალახაძე
ხათუნა მამისაშვილი
ნინო შავლიაშვილი
გოგი გოგსაძე
ზვიად აბაშიძე
ვაჟა ლორთქიფანიძე
ზურაბ აბაშიძე
ზურაბ დავითაშვილი
მალხაზ მაცაბერიძე
თამარ მახარაძე
სალომე დუნდუა
თეონა მატარაძე
ალექსანდრე კუხიანიძე
რევაზ ჯორბენაძე
ფიქრია ასანიშვილი
ნოდარ ბელქანია
ალექსანდრე გაბაშვილი
ცირა თოფურია
შოთა ქარქაშაძე
ზაქრო ბაჭყალია

ივანე ჯავახიშვილის სახელობის თბილისის სახელმწიფო უნივერსიტეტი
სოციალურ და პოლიტიკურ მეცნიერებათა ფაკულტეტი

სამაგისტრო ნაშრომის დაცვის წესი

1. სამაგისტრო ნაშრომის მიზანი

სამაგისტრო ნაშრომის მიზანია, სწავლის პროცესში მიღებული ცოდნის სისტემატიზაცია, დარგობრივი ცოდნის, კვლევითი, შემოქმედებითი თუ პრაქტიკული უნარ-ჩვევების გამოვლენა. ნაშრომში უნდა აისახოს სწავლების მოცემულ საფეხურზე შეძენილი თეორიული და პრაქტიკული ცოდნა. კერძოდ, სფეროს ღრმა და სისტემური ცოდნა, მათ შორის, ისეთი სპეციფიკური მეთოდების/საკითხების, რომელთა ძირითადი ნაწილიც ასახავს კვლევაზე დაფუძნებულ ახალ ცოდნას ან/და პროფესიულ პრაქტიკას.

სამაგისტრო ნაშრომი წარმოადგენს სტუდენტის მიერ ინდივიდუალურად შესრულებულ სამუშაოს. სტუდენტმა სამაგისტრო ნაშრომში უნდა შეძლოს კომპლექსური პრობლემების გადანწყვეტის ახალი, ორიგინალური გზების მოძიება, უახლესი მეთოდებისა და მიდგომების გამოყენებით უნდა გამოავლინოს კვლევის დამოუკიდებლად განხორციელების უნარი. ნაშრომში უნდა ჩანდეს, რომ სტუდენტს შეუძლია მონაცემებზე დაყრდნობით ინფორმაციის ინოვაციური სინთეზი და შეფასება; ასევე კომპლექსური ინფორმაციისა და უახლესი კვლევების კრიტიკული ანალიზის საფუძველზე დასაბუთებული დასკვნების ჩამოყალიბება.

2. სამაგისტრო ნაშრომის თემის შერჩევა

მაგისტრანტი მეოთხე/დამამთავრებელ სემესტრში, აკადემიური რეგისტრაციით დადგენილ ვადაში, LMS.TSU.GE-ს (<https://lms.tsu.ge/>) ელექტრონულ სასწავლო პლატფორმაზე რეგისტრირდება სასწავლო კურსზე: "სამაგისტრო ნაშრომი". სასწავლო სემესტრის დაწყებიდან 14 კალენდარული დღის ვადაში მაგისტრანტი სამაგისტრო პროგრამის ხელმძღვანელ(ებ)თან ათანხმებს სამაგისტრო ნაშრომის სავარაუდო სათაურსა და ნაშრომის ხელმძღვანელ(ებ)ის ვინაობას. სამაგისტრო პროგრამის ხელმძღვანელი შეთანხმებულ ვერსიას გადასცემს სასწავლო პროცესის მართვის სამსახურს. ინფორმაცია მაგისტრანტთა სავარაუდო სათაურებისა და ხელმძღვანელ(ებ)ის შესახებ იტვირთება ფაკულტეტის ვებ-გვერდზე.

3. სამაგისტრო ნაშრომის ხელმძღვანელ(ებ)ი

მაგისტრანტს შეიძლება ჰყავდეს ერთზე მეტი ხელმძღვანელი. სამაგისტრო ნაშრომის ხელმძღვანელი შეიძლება იყოს ფაკულტეტის აკადემიური პერსონალი ან/და კონკრეტული სამაგისტრო საგანმანათლებლო პროგრამის მონვეული პედაგოგი. ერთ სასწავლო სემესტრში აკადემიურ პერსონალს/მონვეულ პედაგოგს შეუძლია არაუმეტეს 5 მაგისტრანტის ხელმძღვანელობა. სამაგისტრო ნაშრომის ხელმძღვანელმა კონსულტაცია უნდა გაუწიოს მაგისტრანტს საკვლევი თემის განსაზღვრასა და შერჩევაში, კვლევის დიზაინის ჩამოყალიბებაში, კვლევითი აქტივობის დაგეგმვაში, ნაშრომის სტრუქტურულ, სტილისტურ და აკადემიურ გაფორმებაში.

4. სამაგისტრო ნაშრომის შესრულების ენა

სამაგისტრო ნაშრომი შესრულებული უნდა იყოს ქართულ ენაზე (გარდა იმ შემთხვევისა, როცა სწავლება მიმდინარეობს უცხო ენაზე). უცხოენოვანი სამაგისტრო პროგრამის სტუდენტები ნაშრომს წარმოადგენენ იმ ენაზე, რაზეც მიმდინარეობს სწავლება.

5. სამაგისტრო ნაშრომის სტრუქტურა

სამაგისტრო ნაშრომი შედგება შემდეგი კომპონენტებისაგან (იხ. დანართ #2):

- ✓ თავფურცელი (სატიტულო ფურცელი);
- ✓ ანოტაცია (ქართულ და უცხო ენებზე თემის სათაურის მითითებით);
- ✓ სარჩევი (შინაარსი);
- ✓ შესავალი;
- ✓ ტექსტის ძირითადი ნაწილი;
- ✓ დასკვნა;
- ✓ გამოყენებული ლიტერატურის ნუსხა;
- ✓ დანართები (არსებობის შემთხვევაში).

სამაგისტრო ნაშრომს დანართის სახით უნდა ახლდეს სატიტულო ფურცლის ინგლისური თარგმანი.

6. სამაგისტრო ნაშრომის წინასწარი დაცვისა და დაცვის კომისია

სამაგისტრო ნაშრომის წინასწარი დაცვისა და დაცვის კომისია მტკიცდება ფაკულტეტის დეკანის ბრძანებით. კომისია შედგება არანაკლებ 5 წევრისაგან. კომისიის წევრი შეიძლება იყოს შესაბამისი საგანმანათლებლო პროგრამის განმახორციელებელი აკადემიური და მონვეული პერსონალი. სამაგისტრო ნაშრომის დაცვის კომისიის წევრი არ მონაწილეობს მისი ხელმძღვანელობის ქვეშ მყოფი მაგისტრანტის შეფასებაში.

7. სამაგისტრო ნაშრომის წინასწარი დაცვა

სამაგისტრო ნაშრომის წინასწარი დაცვის გრაფიკი მტკიცდება ფაკულტეტის დეკანის ბრძანებით. წინასწარი დაცვა ინიშნება საჯარო დაცვის თარიღამდე, სულ მცირე, 45 კალენდარული დღით ადრე და ყველა სამაგისტრო პროგრამისთვის ტარდება 6 სამუშაო დღის განმავლობაში. წინასწარ დაცვაზე კომისია იღებს გადაწყვეტილებას მაგისტრანტის დაცვაზე დაშვება/არდაშვების შესახებ. წინასწარი დაცვის სხდომაზე განისაზღვრება სამაგისტრო ნაშრომის რეცენზენტი, რომელიც შეიძლება იყოს ფაკულტეტის აკადემიური პერსონალი ან/და მონვეული პედაგოგი.

წინასწარი დაცვის სხდომის ოქმი ეგზავნება სასწავლო პროცესის მართვის სამსახურს 2 სამუშაო დღის ვადაში.

8. სამაგისტრო ნაშრომის წარდგენა

სამაგისტრო ნაშრომის ელექტრონული და ბეჭდური ფორმით წარდგენა ხდება საჯარო დაცვამდე 14 დღით ადრე. ნაშრომის წარდგენის ვადების დარღვევის შემთხვევაში, სტუდენტი დაცვაზე არ დაიშვება.

სამაგისტრო ნაშრომი მოწმდება ელექტრონული პროგრამა „Turnitin“-ის გამოყენებით. სამაგისტრო ნაშრომის დაცვამდე მაგისტრანტი დასრულებული ნაშრომის ელექტრონულ ვერსიას, ნაშრომის ორიგინალურობის შესამოწმებლად, ტვირთავს სპეციალურ ბმულზე, რომელიც მიმზღავს თბილისის სახელმწიფო უნივერსიტეტის ელექტრონული სწავლების პორტალზე <https://e-learning.tsu.ge/>. ნაშრომს ამოწმებს სასწავლო პროცესის მართვის სამსახური, რომელიც ხელმძღვანელობს “სსიპ - ივანე ჯავახიშვილის სახელობის თბილისის სახელმწიფო უნივერსიტეტის აკადემიური კეთილსინდისიერების პოლიტიკის დოკუმენტით“ (https://tsu.ge/assets/media/files/71/academic/372020_d1.pdf). სამსახური, დაცვამდე 9 კალენდარული დღით ადრე ნაშრომების ელექტრონულ ვერსიას უგზავნის რეცენზენტს და კომისიას. ნაშრომის ორიგინალურობის კუთხით ხარვეზების გამოვლენის შემთხვევაში სასწავლო პროცესის მართვის სამსახური წერილობით აცნობებს დაცვის კომისიას შესაბამისი რეაგირების მიზნით.

ნაშრომში აკადემიური არაკეთილსინდისიერების გამოვლენის შემთხვევაში კომისიის წევრები უფლებამოსილნი არიან მიიღონ შემდეგი გადანწყვეტილება:

ა) მაგისტრანტი დაშვებულ იქნეს დაცვაზე და ხარვეზები აისახოს სამაგისტრო ნაშრომის შეფასებაში;

ბ) მაგისტრანტი არ იქნეს დაშვებული დაცვაზე;

გ) მაგისტრანტის საკითხი განიხილოს ეთიკის კომისიამ.

სამაგისტრო ნაშრომის წარდგენიდან 5 კალენდარული დღის ვადაში მაგისტრანტის ხელმძღვანელმა სასწავლო პროცესის მართვის სამსახურს უნდა გაუგზავნოს წერილობითი თანხმობა მაგისტრანტის დაცვაზე დაშვების თაობაზე.

სამაგისტრო ნაშრომის რეცენზირებისთვის, სამაგისტრო პროგრამის განმახორციელებლები შეარჩევენ რეცენზენტს.

რეცენზენტი წარადგენს დასკვნას საჯარო დაცვამდე 2 დღით ადრე, შეკითხვებითა და რეკომენდაციებით.

9. სამაგისტრო ნაშრომის საჯარო დაცვა

სამაგისტრო ნაშრომის დაცვა ტარდება საჯაროდ, ყველა სამაგისტრო პროგრამისთვის 6 სამუშაო დღის განმავლობაში, სასწავლო პროცესის ვადების დასრულებამდე არაუგვიანეს 7 კალენდარული დღით ადრე.

საჯარო დაცვის პროცედურა მოიცავს: მაგისტრანტის მოხსენებას (მინიმუმ 15 წუთი), რეცენზიის საჯარო წაკითხვასა და დისკუსიას.

სამაგისტრო ნაშრომი ფასდება ერთჯერადად, დასკვნითი შეფასებით, 100 ქულიანი

სისტემით.

შეფასების სისტემა უშვებს ხუთი სახის დადებით შეფასებას:

- ა) (A) ფრიადი - შეფასების 91-100 ქულა;
- ბ) (B) ძალიან კარგი - მაქსიმალური შეფასების 81-90 ქულა;
- გ) (C) კარგი - მაქსიმალური შეფასების 71-80 ქულა;
- დ) (D) დამაკმაყოფილებელი - მაქსიმალური შეფასების 61-70 ქულა;
- ე) (E) საკმარისი - მაქსიმალური შეფასების 51-60 ქულა.

სამაგისტრო ნაშრომის არადამაკმაყოფილებლად (F/FX) შეფასების შემთხვევაში, მისი დაცვაზე წარდგენა იმავე სემესტრში დაუშვებელია.

კომისიის გადანწყვეტილება საბოლოოა.

დაცვიდან 2 სამუშაო დღეში სამაგისტრო ნაშრომის დაცვის ოქმი წარედგინება ფაკულტეტის სასწავლო პროცესის მართვის სამსახურს, მაგისტრანტის სასწავლო ბარათში შეფასების ქულის შესატანად. სამაგისტრო ნაშრომი და რეცენზია ინახება განსაზღვრული ვადით.

დანართი №1

სამაგისტრო ნაშრომის შეფასების კრიტერიუმები:

<p>ა) აქტუალობა - 5 (ფასდება თემის აქტუალობა და სიახლე)</p>	<p>მაქსიმუმ 5 ქულა</p> <ul style="list-style-type: none">✓ კომპონენტი/მახასიათებელი არ პასუხობს საკვალიფიკაციო მოთხოვნებს - 0%✓ კომპონენტში/მახასიათებელში დაშვებულია მნიშვნელოვანი შეცდომები - 1-25%✓ კომპონენტებში/მახასიათებელში დაშვებულია მცირე შეცდომები - 26-50 %✓ მახასიათებელში/კომპონენტში დაშვებულია არაარსებითი შეცდომები - 51-75 %✓ მახასიათებელი/კომპონენტი შესრულებულია სრულყოფილად - 76-100 %
--	--

<p>ბ) კვლევის მეთოდოლოგია - 20</p> <p>(ფასდება მიზნებისა და ამოცანების ადეკვატურობა, საკვლევი კითხვის/ჰიპოთეზის გამართულობა, დამოკიდებულ და დამოუკიდებელ ცვლადებს შორის მიმართებების დადგენის სისწორე (საჭიროების შემთხვევაში), გამართული და კვლევის მიზანთან მისადაგებული კვლევის დიზაინი, ემპირიული მონაცემების ანალიზის სრულყოფილად წარმოდგენა)</p>	<p>მაქსიმუმ 20 ქულა</p> <ul style="list-style-type: none"> ✓ კომპონენტი/მახასიათებელი არ პასუხობს საკვალიფიკაციო მოთხოვნებს - 0% ✓ კომპონენტში/მახასიათებელში დაშვებულია მნიშვნელოვანი შეცდომები – 1-25% ✓ კომპონენტებში/მახასიათებელში დაშვებულია მცირე შეცდომები – 26-50 % ✓ მახასიათებელში/კომპონენტში დაშვებულია არაარსებითი შეცდომები – 51-75 % ✓ მახასიათებელი/კომპონენტი შესრულებულია სრულყოფილად – 76-100 %
<p>გ) ლიტერატურის მიმოხილვა და თეორიული კომპონენტი - 20</p> <p>(ფასდება რელევანტური, თანამედროვე და მრავალფეროვანი ლიტერატურის, მათ შორის უცხოურენოვანი წყაროების, დამუშავების სრულყოფილება, თეორიული მასალის კრიტიკული ანალიზი)</p>	<p>მაქსიმუმ 20 ქულა</p> <ul style="list-style-type: none"> ✓ კომპონენტი/მახასიათებელი არ პასუხობს საკვალიფიკაციო მოთხოვნებს - 0% ✓ კომპონენტში/მახასიათებელში დაშვებულია მნიშვნელოვანი შეცდომები – 1-25% ✓ კომპონენტებში/მახასიათებელში დაშვებულია მცირე შეცდომები – 26-50 % ✓ მახასიათებელში/კომპონენტში დაშვებულია არაარსებითი შეცდომები – 51-75 % ✓ მახასიათებელი/კომპონენტი შესრულებულია სრულყოფილად – 76-100 %
<p>დ) ანალიზისა და არგუმენტაციის უნარი - 30</p> <p>(ფასდება ავტორის მსჯელობის თანმიმდევრულობა, მიზეზ- შედეგობრივი კავშირების დადგენისა და ადეკვატური დასკვნების გამოტანის უნარი, დასკვნების კავშირი ძირითად ტექსტთან და მათი ლოგიკურობა)</p>	<p>მაქსიმუმ 30 ქულა</p> <ul style="list-style-type: none"> ✓ კომპონენტი/მახასიათებელი არ პასუხობს საკვალიფიკაციო მოთხოვნებს - 0% ✓ კომპონენტში/მახასიათებელში დაშვებულია მნიშვნელოვანი შეცდომები – 1-25% ✓ კომპონენტებში/მახასიათებელში დაშვებულია მცირე შეცდომები – 26-50 % ✓ მახასიათებელში/კომპონენტში დაშვებულია არაარსებითი შეცდომები – 51-75 %

	<p>%</p> <p>✓ მახასიათებელი/კომპონენტი შესრულებულია სრულყოფილად – 76-100 %</p>
<p>ე) ნაშრომის ფორმალური და ენობრივ-სტილისტური მხარე - 10</p> <p>(ფასდება ნარმოდგენილი ნაშრომის ენობრივი გამართულობა, აკადემიური სტილი, წყაროების მითითების სისრულე და კორექტულობა, რუკების, ცხრილების, გრაფიკების შესაბამისობა და შესრულების ხარისხი, ნაშრომის გაფორმების მოცემულ სტანდარტთან შესაბამისობა, APA/ტურაბიანის სტილის დაცვა)</p>	<p>მაქსიმუმ 10 ქულა</p> <p>✓ კომპონენტი/მახასიათებელი არ პასუხობს საკვალიფიკაციო მოთხოვნებს - 0%</p> <p>✓ კომპონენტში/მახასიათებელში დაშვებულია მნიშვნელოვანი შეცდომები – 1-25%</p> <p>✓ კომპონენტებში/მახასიათებელში დაშვებულია მცირე შეცდომები – 26-50 %</p> <p>✓ მახასიათებელში/კომპონენტში დაშვებულია არაარსებითი შეცდომები – 51-75 %</p> <p>✓ მახასიათებელი/კომპონენტი შესრულებულია სრულყოფილად – 76-100 %</p>
<p>ვ) ნაშრომის ვიზუალური მხარე, მომხსენებლის საპრეზენტაციო და საკომუნიკაციო უნარები - 15</p> <p>(ფასდება ნაშრომის შინაარსისა და შედეგების დემონსტრირების ვიზუალური (ტექნიკური და ესთეტიკური) მხარე, თვალსაჩინო მასალის არსებობა, მისი ადეკვატურობა და ხარისხი, პრეზენტაციის თანამედროვე ტექნოლოგიების გამოყენება, მაგ: PowerPoint, დიგიტალური რუკები, ცხრილები, გრაფიკები და სხვ.); მაგისტრანტის პასუხები კითხვებსა და შენიშვნებზე)</p>	<p>მაქსიმუმ 15 ქულა</p> <p>✓ კომპონენტი/მახასიათებელი არ პასუხობს საკვალიფიკაციო მოთხოვნებს - 0%</p> <p>✓ კომპონენტში/მახასიათებელში დაშვებულია მნიშვნელოვანი შეცდომები – 1-25%</p> <p>✓ კომპონენტებში/მახასიათებელში დაშვებულია მცირე შეცდომები – 26-50 %</p> <p>✓ მახასიათებელში/კომპონენტში დაშვებულია არაარსებითი შეცდომები – 51-75 %</p> <p>მახასიათებელი/კომპონენტი შესრულებულია სრულყოფილად – 76-100 %</p>

შენიშვნა: რეცენზენტი რეკომენდაციის გაცემისას ხელმძღვანელობს დანართი #1-ის კრიტერიუმებით, გარდა ვ) პუნქტისა.

სამაგისტრო ნაშრომის გაფორმება

სამაგისტრო ნაშრომის სტრუქტურა

სამაგისტრო ნაშრომი შედგება შემდეგი კომპონენტებისაგან:

1. თავფურცელი (სატიტული ფურცელი);
2. ანოტაცია (ქართულ და ინგლისურ ენებზე თემის სათაურის მითითებით);
3. სარჩევი (შინაარსი);
4. შესავალი;
5. ტექსტის ძირითადი ნაწილი;
6. დასკვნა;
7. გამოყენებული ლიტერატურის ნუსხა;
8. დანართები (არსებობის შემთხვევაში).
9. სამაგისტრო ნაშრომს დანართის სახით უნდა ახლდეს სატიტულო ფურცლის ინგლისური თარგმანი.

თავფურცელი (სატიტულო ფურცელი) –

ივსება მკაცრად განსაზღვრული წესის მიხედვით:

- ✓ ფურცლის თავში უნდა მიეთითოს უმაღლესი სასწავლო დაწესებულების სრული დასახელება, სადაც შესრულდა სამაგისტრო ნაშრომი (შრიფტის ზომა 18)
- ✓ უმაღლესი სასწავლო დაწესებულების დასახელების ქვევით, 2-3 სმ-ის დაშორებით იწერება მაგისტრანტის სახელი და გვარი (სახელობით ბრუნვაში, შრიფტის ზომა 16);
- ✓ შუა ნაწილში იწერება სამაგისტრო ნაშრომის სახელწოდება (შრიფტის ზომა 16) (მას არ მიეწერება სიტყვა “თემა” და ბრჭყალებში ჩასმას არ საჭიროებს);
- ✓ სათაურის შემდეგ იწერება სამაგისტრო პროგრამის დასახელება (შრიფტის ზომა 14);
- ✓ სამაგისტრო პროგრამის სახელწოდების ქვემოთ იწერება მისანიჭებელი აკადემიური ხარისხი (შრიფტის ზომა 14) (მაგ: სამაგისტრო ნაშრომი შესრულებულია სოციოლოგიის მაგისტრის აკადემიური ხარისხის მოსაპოვებლად);
- ✓ თავფურცლის მარჯვენა ქვედა მხარესთან მიეთითება სამაგისტრო ნაშრომის ხელმძღვანელის სახელი, გვარი, სამეცნიერო ხარისხი, წოდება, აკადემიური თანამდებობა;
- ✓ სულ ქვემოთ შუა ნაწილში იწერება სამაგისტრო ნაშრომის შესრულების ადგილი/ქალაქი და წელი ციფრებით.

ანოტაცია – აისახება თემის აქტუალობა, მიზნები, ამოცანები, კვლევის საგანი, ობიექტი, ძირითადი შედეგები, სიახლე; მოცულობა 300 სიტყვა; უნდა დაინეროს როგორც ქართულ ასევე ინგლისურ ენაზე თემის სათაურის მითითებით. უცხოენოვანი ვარიანტი უნდა შეიცავდეს თემის დასახელებას, ავტორის გვარს და ინიციალებს. ჯგუფური პროექტის შესრულებისას ანოტაციაში უნდა გამოიკვეთოს და მიეთითოს თითოეული მონაწილის წვლილი.

სარჩევი (შინაარსი) – ასახავს სამაგისტრო ნაშრომის სრული ტექსტის ყველა თავისა და პარაგრაფის ზუსტ დასახელებას თანმიმდევრულად მათი გვერდების ნომრის მარჯვენა მხარეს მითითებით. გვერდების ნუმერაცია უნდა მოხდეს სარჩევის მომდევნო გვერდიდან თავფურცლის, ანოტაციის და შინაარსის გვერდების რაოდენობის გათვალისწინებით.

შესავალი – წარმოადგენს ნაშრომის ზოგად ნაწილს, რომელშიც უნდა აისახოს არჩეული თემის აქტუალობის დასახულება, მიზანი, დასმული ამოცანების შინაარსი, საკვლევი საგნისა და ობიექტის ფორმულირება, კვლევისათვის გამოყენებული მეთოდი და მატერიალურ-ტექნიკური ბაზა. შედარებითი ანალიზი - რითი განსხვავდება მოცემული სამაგისტრო ნაშრომი წინა კვლევებისაგან.

საკვლევი საკითხის სპეციფიკიდან გამომდინარე შესაძლებელია ავტორმა ცალკე თავად გამოყოს კვლევის მეთოდოლოგია/კვლევის დიზაინი, რომელშიც მეთოდოლოგიურ მიდგომებთან ერთად აისახება კვლევის მიზანი, დასმული ამოცანების შინაარსი, საკვლევი საგნისა და ობიექტის ფორმულირება, კვლევისათვის გამოყენებული მეთოდი კვლევის შეზღუდვები.

ტექსტის ძირითადი ნაწილი - ძირითადი ტექსტი იყოფა თავებად და ქვეთავებად და მათი რაოდენობა და სტრუქტურირების პრონციში განისაზღვრება თემის საჭიროებიდან გამომდინარე.

დასკვნა – წარმოადგენს სამაგისტრო ნაშრომის კვლევის ძირითადი თეორიული და პრაქტიკული შედეგების ნაწილს, რომელშიც მოკლედ აისახება კვლევის შედეგების თეორიული მნიშვნელობა, პრაქტიკული ღირებულება და გამოყენების პერსპექტივები.

გამოყენებული ლიტერატურა – სამაგისტრო ნაშრომი უნდა გაფორმდეს ამერიკის ფსიქოლოგთა ასოციაციის APA ციტირების სტილით (იხილეთ ბმული: <https://www.waikato.ac.nz/library/guidance/referencing/apa>). საერთაშორისო ურთიერთობების მიმართულების პროგრამებისთვის დასაშვებია ტურაბიანის სტილი.

გაფორმების სტანდარტი

- სამაგისტრო ნაშრომი აკრეფილი უნდა A4 ზომის სტანდარტულ ფურცელზე;
- ელექტრონულ ვერსია წარმოდგენილი უნდა იყოს Microsoft Word-ის ფორმატში (doc. გაფართოებით);
- დოკუმენტის სახელწოდება უნდა იყოს MA Thesis და ავტორის გვარი (მაგ.: MA Thesis.Kapanadze);
- შესაძლო შრიფტის სახე – Sylfaen; შრიფტის ზომა – 12;
- შესავალი, თითოეული თავი და დასკვნა უნდა დაიწყოს ახალი გვერდიდან. თავის დასახელება იწერება 16-იანი ზომის შრიფტით;
- სტრიქონებს შორის მანძილი – 1,5 ინტერვალი;
- ფურცლის არესა და ტექსტს შორის მანძილი: მარცხნიდან - 3 სმ, მარჯვნიდან – 1 სმ, ზემოდან – 2,5 სმ, ქვემოდან – 2.5 სმ;
- ტექსტი დაფორმატებული უნდა იყოს “სტრიქონების სიგრძის გათანაბრების”(Justify) ფუნქციის მიხედვით;
- ნაშრომის მოცულობა – არანაკლებ 40 გვერდისა. გვერდების რაოდენობაში იგულისხმება ტექსტი შესავლიდან დასკვნის ჩათვლით გრაფიკების, ცხრილებისა და სხვა ვიზუალური მასალის გარეშე.

სამაგისტრო ნაშრომი, რომლის მოცულობა ნაკლებია დადგენილ ნორმაზე, არ განიხილება დასაცავად.

**ივანე ჯავახიშვილის თბილისის სახელობის სახელმწიფო უნივერსიტეტის პროგრამის
„სახელმწიფო სტიპენდიები სტუდენტებს“ ფარგლებში სტიპენდიების მინიჭების
საფაკულტეტო წესი**

1) „სახელმწიფო სტიპენდიები სტუდენტებს“ პროგრამის ფარგლებში სტიპენდიებით დაფინანსება ითვალისწინებს სოციალურ და პოლიტიკურ მეცნიერებათა ფაკულტეტის ბაკალავრიატის საგანმანათლებლო პროგრამაზე ჩარიცხული სტუდენტის დაფინანსებას წინა სემესტრის შედეგების გათვალისწინებით, შერჩევის საფუძველზე. ასევე, დაფინანსება გაიცემა იმ სტუდენტზე, რომელსაც კალენდარულ სემესტრში სტატუსი შეჩერებული ჰქონდა უცხო ქვეყნის უმაღლეს საგანმანათლებლო დაწესებულებაში სწავლის გამო, ევროკომისიის მიერ დაფინანსებული ერასმუს მუნდუსის პროექტების, საერთაშორისო საგანმანათლებლო პროგრამებისა და თსუ-სა და უცხო ქვეყნის უმაღლეს საგანმანათლებლო დაწესებულებებს (პარტნიორ უნივერსიტეტებს) შორის გაფორმებული ხელშეკრულებების/მემორანდუმების საფუძველზე, სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის 2014 წლის 5 დეკემბრის ბრძანების #2013/01-01 (დანართი #1) შესაბამისად.

2) სტიპენდიით დაფინანსებისათვის კანდიდატთა შერჩევა განხორციელდება სტუდენტთა აკადემიური მოსწრებისა (თითოეულ საგანში არანაკლებ 81 ქულისა) და წინა სემესტრში შესრულებული მინიმუმ 30 კრედიტის საფუძველზე 100 ქულიანი სისტემით:

ა) **აკადემიური მოსწრება** - შეფასდება 80 ქულით, რომელიც გამოითვლება სტუდენტის მიერ უნივერსიტეტში, ასევე ამ წესის პირველი პუნქტით გათვალისწინებულ უცხო ქვეყნის უმაღლეს საგანმანათლებლო დაწესებულებებში, წინა სემესტრში სასწავლო კურსებში მიღებული ქულების საშუალო არითმეტიკულის გამოანგარიშებით, რომელიც გამრავლდება 80–ზე და გაიყოფა 100–ზე

ბ) სამეცნიერო სტუდენტურ კონფერენციებში მონაწილეობა - შეფასდება მაქსიმუმ 10 ქულით მხოლოდ სასტიპენდიო კონკურსის განსაზღვრული ვადების მიხედვით;

შესრულების მტკიცებულებად განიხილება კონფერენციაში მონაწილეობის დამადასტურებელი დოკუმენტი (კონფერენციის პროგრამა და დამონმებული სერთიფიკატი ან ცნობა), რომლითაც უნდა დგინდებოდეს, რომ სტუდენტმა მონაწილეობა მიიღო: სამეცნიერო კონფერენციაში.

შენიშვნა: წინა სემესტრის პერიოდი აითვლება ადმინისტრაციული რეგისტრაციის დაწყებიდან მომდევნო სემესტრის დაწყებამდე.

შეფასების სქემა

აქტივობა/აქტივობები	ქულა
<p>საქართველოში ავტორიზებული უმაღლესი საგანმანათლებლო დანესებულების/დანესებულებების მიერ (გარდა თსუ-ისა) ორგანიზებულ სტუდენტურ სამეცნიერო კონფერენციაში მონაწილეობა;</p> <p><u>* მოცემულ ველში ჩაითვლება მაქსიმუმ 3 განსხვავებულ სტუდენტურ სამეცნიერო კონფერენციაში მონაწილეობა</u></p>	1
<p>თსუ-ის მიერ ორგანიზებულ/თანაორგანიზებულ საუნივერსიტეტო ან/და საფაკულტეტო (გარდა სოციალურ და პოლიტიკურ მეცნიერებათა ფაკულტეტისა) სტუდენტურ სამეცნიერო კონფერენციაში მონაწილეობა;</p>	2
<p>სოციალურ და პოლიტიკურ მეცნიერებათა ფაკულტეტის მიერ ორგანიზებულ სტუდენტურ საუნივერსიტეტო, საფაკულტეტო ან/და საერთაშორისო სამეცნიერო კონფერენციაში მონაწილეობა;</p> <p>უცხოური უმაღლესი საგანმანათლებლო დანესებულების/დანესებულებების მიერ ორგანიზებულ სტუდენტურ სამეცნიერო კონფერენციებში მონაწილეობა;</p>	3
<p>სოციალურ და პოლიტიკურ მეცნიერებათა ფაკულტეტის მიერ ორგანიზებულ სტუდენტურ საუნივერსიტეტო ან/და საფაკულტეტო სამეცნიერო კონფერენციაში გამარჯვება;</p>	4

გ) სამეცნიერო ნაშრომების გამოქვეყნება - შეფასდება მაქსიმუმ 10 ქულით მხოლოდ სასტიპენდიო კონკურსის განსაზღვრული ვადების მიხედვით;

ჩაითვლება მხოლოდ ინდივიდუალურად ან არაუმეტეს ბაკალავრიატის საფეხურის მხოლოდ ერთ თანაავტორთან, სამეცნიერო ჟურნალის ერთ ნომერში გამოქვეყნებული ერთი პუბლიკაცია/სტატია.

მტკიცებულებად განიხილებამ ხოლოდ სტატიის/პუბლიკაციისა და სამეცნიერო ჟურნალის შესაბამისი ნომრის ელექტრონული ვერსია, რომლითაც უნდა დგინდებოდეს, რომ პუბლიკაცია გამოქვეყნებულია სასტიპენდიო კონკურსისთვის, სასწავლო სემესტრით განსაზღვრულ ვადებში;

შენიშვნა: წინა სემესტრის პერიოდი აითვლება ადმინისტრაციული რეგისტრაციის დაწყებიდან მომდევნო სემესტრის დაწყებამდე.

შეფასების სქემა

აქტივობა/აქტივობები	ქულა
<p>სტატიები/პუბლიკაციები ქართულ ბეჭდურ ან ელექტრონულ პერიოდულ სამეცნიერო ჟურნალებში, რომელსაც აქვს ISSN ან ISBN კოდი და ჰყავს აკადემიური/სამეცნიერო სარედაქციო კოლეგია;</p> <p><u>*მოცემულ ველში ჩაითვლება მაქსიმუმ 1 სტატია/პუბლიკაცია.</u></p>	2
<p>სტატიები/პუბლიკაციები ქართულ ან უცხოურ, ბეჭდურ ან ელექტრონულ პერიოდულ რეცენზირებად/რეფერირებად სამეცნიერო ჟურნალებში, რომელსაც რომელსაც აქვს ISSN ან ISBN კოდი და ჰყავს აკადემიური/სამეცნიერო სარედაქციო კოლეგია;</p>	3
<p>სტატიები/პუბლიკაციები ქართულ ან უცხოურ, ბეჭდურ ან ელექტრონულ პერიოდულ რეცენზირებად/რეფერირებად სამეცნიერო ჟურნალებში, რომელსაც რომელსაც აქვს ISSN ან ISBN კოდი და ჰყავს აკადემიური/სამეცნიერო სარედაქციო კოლეგია და ინდექსირებულია Google Scholar-ის მიერ.</p>	4

დამგვიცემია სსიპ - ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის საბჭოს 2022 წლის 18 იანვრის სხდომაზე (ოქმი N1).

ცვლილება სამაგისტრო პროგრამაზე „მედიაფსიქოლოგია და კომუნიკაციები“

ახალი სასწავლო კურსების დამატება:

1. დაზუსტდა ორი სასწავლო კურსის დასახელება. კერძოდ, არჩევითი კურსი „სტაჟირების

კრედიტ-კურსი“ შემოთავაზებულია შემოდგომის და გაზაფხულის სემესტრებში. იმისთვის, რომ ეს კურსები სასწავლო ბაზამ ტექნიკურად დააფიქსიროს განსხვავებულ კურსებად საჭიროა სათაურში დაფიქსირდეს განსხვავება. ამიტომ, სასწავლო კურსების დასახელება ჩამოყალიბდა შემდეგნაირად: „სტაჟირების კრედიტ-კურსი (1)“ გაზაფხულის სემესტრისთვის და „სტაჟირების კრედიტ-კურსი (2)“ შემოდგომის სემესტრისთვის.

2. „მედიასამართალი მედიაფსიქოლოგებისთვის“ - არჩევითი, ლექტორი ნინო შენგელია, (15/15).

3. „ყალბი ამბები და ნამდვილი ჟურნალისტიკა“ - არჩევითი, ლექტორი ფილის ჯორდანი(აშშ), (15/15).

4. „მედიაეთიკა და უსათრთხოება გლობალურ ციფრულ ერაში“ - არჩევითი, ლექტორი ლაქსმან პანტი, (15/15).

5. „მედია და ჯანმრთელობა“ - არჩევითი, ლექტორი ნარინე იევანი, (15/15).

6. „მულტიმედია ამბის თხრობა და სტრატეგიები“ არჩევითი, ლექტორი ვილიამ კეტკარტი, (15/15)

კრედიტების ცვლილება :

2. „რეკლამის ფსიქოლოგია“ - 5 კრედიტი ნაცვლად 4 კრედიტისა .

სემესტრის ცვლილება:

3. „პროექტების მენეჯმენტი“ - ერთჯერადად გამოვიდეს გაზაფხულის სემესტრში.

ჟურნალისტიკისა და მასობრივი კომუნიკაციის საბაკალავრო პროგრამის (რუსული კომპონენტებით)

ახალი საგნების დამატება:

1. სასწავლო კურიკულუმში შემოდის ახალი საგანი „ღია წყაროების მონაცემები“ (პედაგოგი: მამუკა ანდლულაძე); საათობრივი დატვირთვა: 2 საათი - ლექცია, 2 საათი - სემინარი. სტატუსი: სავალდებულო.
2. სასწავლო კურიკულუმში შემოდის ახალი საგანი „მემუარისტიკა როგორც კულტურის ფენომენი“ (პედაგოგი - ჭილდა ასათიანი). საათობრივი დატვირთვა: ლექცია - 2 საათი, სემინარი - 1; სტატუსი: არჩევითი. სილაბუსი წარმოდგენილია.
3. სასწავლო კურიკულუმში შემოდის ახალი საგანი „მეცნიერების პოპულარიზაცია მედიაში“ (პედაგოგი - ჭილდა ასათიანი). საათობრივი დატვირთვა: 2 საათი - ლექცია, სემინარი - 1; სტატუსი: არჩევითი.